

广
东
通
志

一

二

三

四

廣東通志卷一百九十六

甲子重刊

藝文畧八 集部二

九巖集 明吳允祿撰 未見

廣東詩粹允祿字天申番禺人璉次子嘉靖癸未進士授武選主事出為湖廣參政擢按察使

免歸

三洲集二十卷 明李義壯撰 未見

黃志有番禺縣志義壯字稚夫嘉靖癸未進士初合仁和尋遷戶禮二部主事歷仕至都察

院僉都御史 巡撫貴州

屏桐遺稿 明姚仲韶撰 未見

肇慶府志仲韶字以高高要人嘉靖壬午舉人官永安知縣

燕臺集一卷 明黎瞻撰 未見

黎氏詩選瞻字民仰號前峯番禺人嘉靖壬午
舉人歷仕至順天府尹以忤嚴嵩出刺南昌遭
父憂歸

稽愆集 明翁萬達撰
未見

見潮州府志

蒲谷集 明岑萬撰
未見

順德縣志萬字體一嘉靖丙戌進士
授戶部主事歷官至河南右布政使

象洲集二卷 明葉漢撰
佚

岡州遺藁漢字維東新會大廟頭人領
嘉靖乙酉鄉薦任江西寧都縣知縣

謹案郝志選
舉無此名

奉政遺稿二卷 明區元晉撰
未見

岡州遺藁元晉字維康新會人越仲子
嘉靖乙酉舉人歷官至福建興化同知

謹案選舉志元晉乃
嘉靖壬午未知孰是

戴子聲家集十卷

明戴銑撰
未見

粵大記銑字子聲東莞人嘉靖
己丑進士官四川道監察御史

桐岡集

明馮彬撰
未見

雷州府志彬字用先海康人嘉靖己丑進士知
平陽上海二縣徵為監察御史出按廣西尋補

松江知府罷歸

羅司勳集八卷

明羅虞臣撰
存

欽定四庫全書

提要虞臣以初任刑部主事提牢時寬假
張廷齡為大猾劉東山所訐下獄拷掠斥為民
既歸結廬山中讀書纂述年僅三十五而卒然
其他著作不傳惟是集存其生平不屑為詩賦
故集中皆散體之文自六卷以下則採錄所作
家乘以足之惟以中官傳六七篇參雜其間耳
其文疎快有氣然皆率其才氣縱筆一往未能
範以法度也洗桂奇序以司馬遷擬之談何容

易乎

謹案明志載虞臣
原子八卷即此書

留臺存稿

明陳澤撰
未見

粵大記澤字子仁號平川南海人嘉
靖戊子舉人官至南京貴州道御史

趙彝伯遺集五卷

明趙勳撰
未見

廣州府志勳字彝伯番禺人嘉靖
戊子舉人官至山東按察僉事

東莆先生集六卷

明林大欽撰
存

潮州府志大欽字敬夫海陽
人嘉靖壬辰狀元授修撰

吾野漫筆十三卷

明許炯撰
存

欽定四庫

全書提要炯字吾野新會人嘉靖辛卯舉人是
集凡文七卷詩六卷前有自序謂少時不慧從

羣兒騎竹馬黏蜻蜒捕鳥雀為戲未幾病疴忽
劇夢一父老出袖中書授之俄墜而覺自是遂

能把筆作詩其一卷首篇述戒稱有通元先生
過而誨之云云蓋才而無所師法者故其漫書
各篇內謂范仲淹楊雄之流也胥於僭矣蘇洵
荀卿之流也隣於詐矣又謂蘇洵辯姦訾王安
石也吾以為洵亦安石之徒云云
皆率意一往不復挈以規矩者也

元山集五十卷

明羅一中撰
未見

肇慶府志一中號元山高要人
嘉靖辛卯舉人官湖廣石門令

南湖集

明薛雍撰
未見

潮州府志雍字子容饒
平人嘉靖辛卯舉人

石川集十卷

明何彥撰
未見

黃志
有

東臺集

明趙崇信撰
未見

廣東詩粹崇信字繼周一字仲履順德
人嘉靖乙未進士官至貴州按察副使

天山草堂存稿八卷

明何維柏撰

欽定四庫

四庫全書日卷數
同明志作二十卷

全書提要是集文六卷詩二卷文集中有講義
語錄二種皆以白沙緒論為宗其詩亦多講學
語蓋維柏嘗從陳獻章游也朱彛尊明詩綜謂
其乞休詩云樂事尚饒新歲月勝遊不改舊雲
山乃侍其父與鄉人為九老會時所作今考乞
休詩為萬歷丙子得旨歸老之作而和其父與
九老韻七律二首則作於嘉靖戊申乃劾嚴嵩
後削籍歸里時作彛尊徵引偶誤殆亦未見此
集與

都諫稿

明蘇應雯撰
未見

粵東詩海應雯字見江順德人
嘉靖乙未進士官至給事中

弼唐先生存稿三卷

明龐嵩撰
存

廣居堂稿

鶴園集

明洗桂奇撰
未見

見忠義我鄉志

樾整集二十卷 明陶益撰 未見

見新會縣志

瑤石類稿十六卷 明黎民表撰 存

欽定四庫全書提要民表附見黃佐傳中史稱佐弟子多以行業自飭而梁有譽歐大任及民表詩名最著朱彝尊靜志居詩話謂民表詩讀之似質悶而實沉著堅韌王世貞所取續五子無愧大小雅材者僅此一入是集前有萬厯戊子陳文燭序稱民表請老以歸話別三山曾序其詩鎮江鍾太守刻焉又稱民表已下世其子吏部郎君華哀刻此集復屬以序蓋民表詩凡再刻也其初刻今未見此刻冠以賦三首餘皆古近體詩雖錯采鏤金而風骨典重無綺靡塗飭之習蓋與太倉厯下同源而派稍異故雖與王道行石星朱多燿趙用賢同列為續五子而終非四人所可及也

卧雲洞藁

明林烈撰未見

東莞縣志烈字孔承嘉靖甲午舉人官至福建鹽運同知

盜吟稿

明李一龍撰未見

肇慶府志一龍字體乾高要人嘉靖甲午舉人官宜城令

穗石文集十卷

明倫以詵撰未見

黃志有

穗石詩集四十三卷

明倫以詵撰未見

粵大記以詵字彥羣號穗石南海人文叙季子嘉靖戊戌進士官兵部武選郎中著有文集五十六卷詩集四十三卷

謹案穗石詩文集粵大記共九十九卷黃志僅有文十卷今并此本亦不可見姑存兩說而又集卷數以黃志著目焉

大司空遺稿 明陳紹儒撰

四庫全書目卷數

同明志作二十卷

欽定四庫

全書提要紹儒字師孔南海人嘉靖戊戌進士

官至南京工部尚書是集文八卷詩二卷詩皆

嘉靖四十年以後至萬曆八年以前所作其文

有意刻畫韓柳而往往失之粗率詩則音調諧

美亦學唐格而

過於摹擬者也

次川存稿八卷

明譚大初撰

南雄府志大初字宗元始興人嘉

靖戊戌進士官至南京戶部尚書

煥初堂集四卷

明盧夢陽撰

廣東詩粹夢陽字少明南海人嘉靖丁

酉舉人戊戌進士官至福建布政使

中閣集

明陳紹文撰

廣東詩粹紹文字公載南海人府

尹錫子嘉靖丁酉舉人官通判

蘭臯集

明吳旦撰
未見

廣東詩粹且字而待號蘭臯南海人副都御史
章子嘉靖丁酉舉人官歸州知州治行第一擢

山西按察司僉事

代奕編

明陳遷撰
未見

廣東詩粹遷南海人嘉靖
丁酉舉人官潯州知府

郭循夫集六卷

明郭廷序撰
未見

黃志

潮州府志廷序字循夫潮陽
人嘉靖辛丑進士官貴溪令

見湖遺稿

明劉子興撰
未見

潮州府志子興字賓之海陽人嘉
靖辛丑進士官至廣西右布政

同野集

明蕭端蒙撰
未見

潮州府志端蒙字曰啓潮陽人嘉靖辛丑進士選庶吉士出爲御史

南塘詩集

明梁以蘅撰未見

岡州遺藁以蘅字仲房新會人以明經任廣西賓州訓導領嘉靖癸卯廣西鄉薦轉江西廬陵教諭遷浙江紹興敘授進連城知縣乞休歸養卒

阮溪草堂集

明區益撰未見

肇慶府志益字叔謙高明人嘉靖庚子舉人初授都昌知縣遷慶遠府同知尋轉温州子大樞大倫大相

駕部集三卷

明李時行撰存

青霞漫稿

明李時行撰未見

文徵明曰少借文章法漢魏古詩法顏謝歌行法李杜絕律則又取裁於沈宋王孟諸大家咸超詣入品信得江山之助又云觀其詞意夷曠中澹優游閒適若棲蹤霞外遊神物表非做屣

軒冕浮雲富貴者烏能詣此
時行字少借番禺人嘉靖庚子舉人官至南京
駕部
主事

藥洲草 北園稿 明黎紳撰

番禺黎氏詩選小傳紳字言可
號芷石瞻嫡姪嘉靖庚子舉人

五鵲別集二卷 明盧寧撰

欽定四庫全書提要寧字獻子號冠巖南海人嘉靖甲辰
進士官至登州府知府寧受業黃佐之門佐樂
典序即所作也是集乃其官南京刑部時講學
新泉精舍其門人程子明所刻及守登州所屬
黃縣知縣劉琪又重刻之寧先有五鵲臺集故
此以別集名凡詩一卷文一卷皆湊泊成篇不
能入
格

津菴集十卷 明黃蕘撰

廣州府志蕘字金卿新會人
嘉靖癸卯舉人官和曲知府

思齊堂稿十二卷

明李价撰
未見

黃志
有

玉簡堂集

明陳一松撰
未見

潮州府志一松字宗巖海陽人嘉
靖丁未進士官至工部左侍郎

事軒摘稿一卷

明張子翼撰
存

謹案子翼字汝臨瓊山人嘉靖丙午舉人
官廣西陸川縣知縣遷湖廣吉府審理祀

陸川
名宦

滋蘭集二十卷

明潘光統撰
未見

明歐大任序畧曰南海析而為順德余邑也邑
人多能詩余友潘生少承詩最有名嘉靖中與
余同受學於泰泉先生而習於黎深諸生者久
隆慶末仕為光祿署丞未幾死京師於是余詮
次其遺詩序之順德縣志光統字少承以廩
貢入大學授光祿寺監事陞署丞遷京府通判

比部集八卷

明梁有譽撰

廣州府志有譽字公實號蘭汀順德人嘉靖庚戌進士授刑部主事官至副使以病告歸卒年三十

六
謹案是集一名蘭汀存稿

井丹集十五卷

明林大春撰未見

見明志潮州府志大春字井丹潮陽人嘉靖庚戌進士官至浙江提學副使

滄浪洞諸稿六卷

明區龍正撰未見

見廣州府志

中山存稿

明羅一道撰未見

粵大記一道字貫卿號中山東莞人嘉靖庚戌進士歷官湖南參政

備忘集十卷

明海瑞撰存

欽定

四庫全書提要案明志載海瑞文集七卷
國朝廣東監運使故城賈棠與邱濬集合刻者由六

卷是編載海瑞所行條式申參之文較為全備
乃康熙中瑞六代孫廷芳重編原跋云共一十
二卷分為十册今考此本册數與跋相合然每
册止一卷實止十卷較原跋尚闕二卷未喻其
故也瑞生平學問以剛為主故自號剛峯其入
都會試時即上平黎疏為戶部主事時上治安
疏慙直無隱觸世宗怒下詔獄然世宗覆閱其
疏亦感動大息至擬之於比干後巡撫應天銳
意興革裁抑豪強惟以利民除害為事而矯枉
過直或不免一偏如集中畢戰問井地論力以
井田為可行謂天下治安必由於此蓋但觀明
代隱匿兼并之弊激為此說而不自知其不可
通然其孤忠介節實人所難能故平日雖不以
文名而所作勁氣直達侃侃而談有凜然不可
犯之概當嘉隆間士風頹茶之際切墨引繩振
頑醒瞶誠亦救時之藥石也滌穢解結非大黃
芒硝不能取效未
可以其峻利疑也

相江子集

明胡庭蘭撰
未見